

Zeitschrift: Annalas da la Societad Retorumantscha
Herausgeber: Societad Retorumantscha
Band: 79 (1966)

Rubrik: Ligia Romontscha = Lia Rumantscha : rapport annual 1965 (mars 1965-mars 1966)
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 04.05.2025

ETH-Bibliothek Zürich, E-Periodica, <https://www.e-periodica.ch>



Ligia Romontscha · Lia Rumantscha

RAPPORT ANNUAL

1965

(mars 1965 – mars 1966)

Register

Aspects specials digl onn da rapport	3
La radunonza da delegai	4
Il cussegl	4
La suprastonza	4
Il secretariat	4
Nossas relaziuns cun la Pro Helvetia	6
Dè cultural ladin 1965	6
Las scoletas	7
Il teater	8
Ediziuns dalla Ligia en lavur	9
Publicaziuns dalla Ligia	10
Publicaziuns sustenidas	11
Autras publicaziuns romontschas	11
Nossas societads affiliadas	12
Cuors romontschs	21
Fatgs legreivels	22
En pia memoria	24
Commemoraziuns	25
Nos giubilar	27
Quen e bilanza 1965	29
Il quen 1965	37
Rapport dalla cumissiun da gestiun	39

Aspects specials digl onn da rapport

Per regla ei il spazi d' in onn in temps memia restrenschiu per imponer ad in moviment ni ad in pievel tratgs characteristics e cuzzonts. Tonaton lein nus menziunar treis fatgs che han dau tempra speciala agl onn da rapport (mars 1965—fin da fevrer 1966): Il sforz per porscher a nossa giuventetgna buna ed interessanta litteratura, las festivitats dalla «Foppa giubilonta» e l'avertura dalla «Canorta Radio Romontsch» a Cuera.

La munconza d' adattada e surtut da sufficienta lectura per nossa giuventetgna romontscha ei evidenta. Il prighel che scartiram nuscheivel en auters lungatgs infiltreschi pli e pli era las retschas da nos affons e giuvenils crescha da l' altra vart cun pass rapid. A quei svilup san ins denton buca far frunt cun selamentar. Mo resoluts sforzs da tuttas instituziuns responsablas pon retener il cuors ch' ei pernizius ton per nies lungatg sco per l' integradad da nossa giuventetgna. In pli grond diember da publicaziuns da privats e dalla LR edidas il davos temps ed allegadas en quest rapport vul survir a quei intent e — sco «Il Giuven Grischun» — era a quel da promover la collaboraziun ed il sentiment da cuminonza denter ils Romontschs.

Glion e siu contuorn han festivau cun il giug festiv «La canzun dil Rein» da Toni Halter ed il stupent til dils 12 da settember 1965 il 1200avel anniversari da lur menziun el renomau testament digl uestg Tello. Malgrad l' aura beinsavens malquessa han quellas manifestaziuns giu il beinmeritau eco.

L' inauguraziun dalla «Canorta Radio Romontsch» dils 12 da fevrer 1966 a Cuera ha dau caschun da regordar all' eminenta muntada che las emissiuns romontschas da radio e televisiun han enteifer ils sforzs pil manteniment da nossa ierta culturala. El temps che influenzas jastras da tuttas sorts penetreschan tras tuttas portas ellas famiglias romontschas essan nus zun engrazieivels per quei stabiliment che facilitescha la preparaziun da nossas emissiuns.

La radunonza da delegai

Ils delegai dallas uniuns affiliadas ein stai convocai ils 29 da matg 1965 alla radunonza annuala ordinaria. Quella ha priu in decuors dign ed emperneivel. Sut l'egida dil niev parsura dr. med.vet. Pierin Ratti ein las tractandas statutaricas vegnidas liquidadas en cuort interval, aschia ch' ils delegai han aunc giu temps per in pli stretg contact persunal ch' ei en nos dis da furtinas senza dubi da beneventar.

Il cussegl

Il cussegl dalla LR ei staus radunaus mo ina gada. Quella sesida ei surtut stada dedicada alla preparaziun dalla radunonza da delegai. Igl ei semussau, ch' igl ei zun grev d' anflar termins adattai che lubeschan la participaziun da tuts presidents dallas societads affiliadas. Suentar che las lingias directivas da nossas acziuns ein vegnidas dilucidadas e fixadas repetidamein ils onns vargai, ei la discussiun individuala denter ils representants dallas singulas uniuns e dalla LR semussada sco via pli adattada, dat ella gie la pusseivladad da tractar ils detagls da problems concrets.

La suprastonza

Las sis sesidas dalla suprastonza ein stadas ferm dotadas cun tractandas da varionta natira. Sper las fatschentas che sepresentan mintga onn, sco rapport annual, quen e preventiv, han surtut damondas da scola e scoletta, l' ediziun dils vocabularis dil Grischun central, dallas ovras da Lansel, da lectura pils affons e lur finanziaziun occupau stediamein ils suprastonts. Buca pauc fastedis fa era il svilup el sector dil persunal e dalla carischia che periclitescha pli e pli la realisaziun da nies program.

Il secretariat

Igl ei per buna part bein il fretg dalla commemoraziun digl giubileum da 25 onns dil romontsch sco lungatg naziunal e dall' Expo che nossa instituziun ei vegnida enconuschenta en vasts cerchels,

senza dubi in legreivel success che semanifestescha en in grond diember da damondas per informaziuns da tuttas sorts ed en in considerabel augment dalla vendita da cudischs. Ton il survetsch d'informaziuns sco la vendita pretendan denton bia temps. Ei dat dis ch' il secretari ei engaschus igl entir temps cun dar plaid e fatg a bucca e per scret ad interessents damaneivel e dalunsch. Tut quels spetgan cun raschun ch' ei vegni attribuiu duida atenziun a lur problems e damondas. Venditas da cudischs per imports annuals da passa 30 000 francs involvan da l' autra vart medemamein in tschuat lavur cun quens, spediziuns, incassos, cudischaziuns e controllas. Quei ton pli en vesta dil fatg che quels imports secumponan da tschiens quens per furniziuns da sut diesch francs. En vesta da quei svilup ha il secretariat tralashau ils davos onns las usitadas statisticas davart il diember da brevs, pachets, pagamenti eav.

Il quitau per las scolettas e per l'instrucziun romontscha en scola, l'organisaziun da cuors da lungatg e per scolasts formescha ensemen cul contact cun autoritads communalas e cantunalas in ulteriur impurtont camp da lavur dil secretari. Ils mieds d'instrucziun romontschs per las scolas fundamentalas tudestgas en Sur- e Sutselva ch' ein vegni preparai dalla Renania cun sustegn dil Fond da lottaria, dil Legat e dalla Fundaziun Cadonau, dalla vischnaunca da Flem e dalla LR han en general anflau buna accoglientscha. Las 120 lecziuns sursilvanas eran per part exhaustas. Sin nies instant giavisch ha il Cantun remplazzau las muncontas. Perencunter ei l'istanza dil mars 1965 che dumandava, ch' il Cantun renconuschi quellas lecziuns sco mied official d'instrucziun e restitueschi ils mieds che la Renania e la LR han engaschau per la realisaziun da quellas lecziuns aunc buca vegnida tractada. En concordanza cul departement d'educaziun cantunal ha la LR organisau ina conferenza d'entruidament al leger e scriver il sutsilvan. Sefundond sin la broschuretta «Sutsilvan plido, Sutsilvan scret» ha scol. sec. Curo Mani, il redactor dil Pledari sutsilvan, dau a ses collegas las necessarias directivas. Sia antalogia da poesia sutsilvana intitulada «Srivànts sutsilvans» ch' ei vegnida repartgida a quella occasiun po era porscher buns survetschs per l'instrucziun davart la litteratura sutsilvana. — L'instrucziun romontscha a Cuera ha priu in cuntenteivel decuors ed il contact persunal culs geniturs all'entschatta dil niev onn da scola ha confirmau l'impressiun, che quella emprova secumprovi. Siu success dependa — sco dapertut — denton per gronda part dil sustegn dalla casa paterna. Allas scolastas ed

als scolasts ch' ein semess spontanamein a disposiziun per quella nobla incumbensa engraziein nus era en quest liug, medemamein al marcau da Cuera che ha contribuiu 2000 francs per quei intent. Per segirar la posiziun romontscha a Cuera che ei en vesta dalla immigraziun continuada da Romontschs ella capitala d' eminenta muntada per la Romontschia, drova ei malgrad quei novissim pass e la preziosa lavur dalla secziun dall' Uniun dals Grischs e dils chors Alpina e Rezia hanai sforzs bein coordinai. La reactivaziun dall' «Uniun romontscha da Cuera» cun adattar ses intents alla situaziun actuala ei perquei urgenta.

La preparaziun dallas ediziuns e lur finanziaziun fatschenta era intensivamein il secretariat. Las numerusas reediziuns ch' ein necessarias sper la preparaziun da novas ediziuns provocheschan difficultads da finanziaziun. En vesta dil fatg ch' igl ei pli lev da survegnir ils mieds necessaris per novas ediziuns vegnan quellas ussa fatgas en in pli grond diember d' exemplars, sch' ellas lain spitgar in bien esit. Davart las ediziuns dalla LR orienteschan pigl auter ils rapports specials e la survesta dallas ediziuns.

Nossas relaziuns cun la «Pro Helvetia»

In' egliada sin nossas entradas per las ediziuns muossan che la Pro Helvetia ha in maun aviert per nos basegns. Nies secretariat attribuescha gronda atenziun alla tgira dallas relaziuns cun quella instituziun. Perquei collaborescha el meinsvart all' organisaziun da viadis da studi e surpren dad ella ina buna part dil survetsch d' informaziuns pigl exteriur davart fatgs romontschs. La Pro Helvetia ha lu era mess a disposiziun ina summa da 400 francs pils 1965 e da 1000 francs pil 1966 per la documentaziun cun cudischs e plat-tas sonoras per interessents digl exteriur. Per tutta beinvuglientscha demussada engraziein nus era en quest liug als organs da quella instituziun culturala naziunala.

Dè cultural ladin 1965

Ils Ladins dallas Dolomitas organiseschan dapi in pèr onns en in' u l' altra vallada ina dieta culturala. A quella envidan els era amitgs ed interessents digl exteriur. Il tierz di cultural dils 28 e 29 d' uost 1965 a S. Vigilio di Marebbe en Val Badia ei staus dedicaus

al tema «Literatura y grafia». En vesta dil fatg, ch' in referent ord nies intschess, Rev. pader dr. Ambros Widmer dalla claustra da Mustér, ha giu l' honur d' orientar ils amitgs dallas Dolomitas davart la historia, la renaschientscha e la hodierna situaziun dil romontsch, ein il president ed il secretari dalla LR separticipai da quella interessanta manifestaziun. Els ein returnai da quella dieta cun profundas impressiuns e tut incantai dalla sincera cordialitad demussada viers nus Romontschs.

Las scoletas

Ear gl' on 1965 e vagnieu prasto grànda lavur an nossas scoletas rumàntschas. An 13 vischnàncas mantegna la Leia Rumantscha scoletas a 21 vegnan sustanidas. Nus vagn ear puspe gieu egn per midadas, mo nus vagn ear gieu giuvnas c' ân musso interess a plascher par la clamada da mussadra.

La LR â mano tras digls 31 avust toca igls 25 da satember egn curs d' antruvidamaint. 12 matas ân prieu part da quest curs c' â gieu liac a Cuir. An quellas 4 eandas â l' instructura ampruvo da meter la fundamainta par saver suainter biagear sei la greava mo beala lavur da mussadra sco tgirünza da lungaitg. Cuntut ca las matas ân luvro fetg bagn a cun bün interess earan las 4 eandas megna curtas, a nus lagn par igl on 1966 schlunganir igl curs sen 2 mains. Partge la leztga da la mussadra e schi grànda ad importanta c' igns dastga siir pretender anqual sforz.

Agl curs ân prieu part las savundàntas matas:

Betti Besio da Zernez, Ursina Cabalzar da Zuoz, Rita Cadruvi da Ruschein, Ursula Candreia da Trun, Irma Hosang da Zignau, Jacobina Nadig da Lantsch, dna. Maria Oberli da Bargugn, Emilia Pinchera da Zuoz, Rita Simonet da Vaz a Annatina Valentin da Scuol.

Igls 27 da november a la Cuminanza Mussadras Rumàntschas gieu lur radunànta anuala a Tusàn cun sur 40 mussadras or da gl'antier Grischùn. Ellas ân survagnieu que gi egna survesta da la biblioteca par cudaschs d' unfànts ca la LR â messadir par las scoletas.

Cun quel' ocasiùn â la LR savieu surdar a 4 mussadras il diplom: Agnes Tschuor da Sagogn; Ubeth Joos d'Andeer; Helen Guldemann da Trun; Mena Juon da Brail.

Midadas da mussadras vagn nus gieu an egn per vischnâncas: La scoleta da Cuira â surprieu giuvna Sabina Spinnler cun giuvna Irma Hosang sco amprandünza a gidànta. Domat â ussa 6 scoletas; las duas novas mussadras ean giuvna Celina Deragisch e giuvna Ursula Candreia ca veva surprieu la scoleta da stad a Alvaschagn. Giuvna Dora Cavelti c'è stada 6 ons a Pasqual dat scoleta se Flem-Uaul. La scoleta da Pasqual â surprieu giuvna Flurinda Pua. Giuvna Myrta Pedrun ca deva scoleta a Tumegl e da stad a Segl e ida anoragiou an egna tgea d'unfants. La scoleta magna giuvna Betti Besio. Giuvna Alice Tscharner e ear betga ple an survetsch da la LR, ad an sia plaza e vagnida giuvna Ursina Cabalzar ca dat da stad scoleta a Silvaplana. A Scharans e uss nigna scoleta, l'ond' Ursina e maridada se Preaz a la giuvna Annatina Valentin e vagnida clamada a Surava. La scoleta da Bargugn â surprieu dna. Maria Oberli. Giuvna Armina Weisstanner e ida davent par far ànc scolas. L'onda Pia Janutin da Lantsch e ear ida davent a giuvna Jacobina Nadig magna oz la scoleta. Giuvna Rita Simonet dat scoleta a Vaz.

Nus angraztgàgn a tutas mussadras par lur lavur prestada a giavischàgn anavànt blear curaschi a bün suzcess.

Angelina Secchi

Il teater

La Societad per il teater popular svizzer exista uossa daspö 20 ons e nus Rumantschs avain tuot motiv da render omagi a quista instituziun svizra al mumaint da seis giubileum. Nus ingrazchain ad ella ferm impuls eir per nos teater rumantsch, saja cha ella ha organisà cuors da teater e güdà s-chaffir ed edir litteratura drammatica per la quarta lingua, saja cha ella ans assistit in qualsia dumonda pratica dal palc.

Uschè vainsa eir ingon darcheu pudü evader ün pulit pensum d'instrucziun e consultaziun:

Cuors per seminarists rumantschs d'ürant l'october-november 1965. Nus vain inscenà il toc d'ün act «Betschlas» da Luigi Pirandello per la Festa ladina da l'Uniun dals Grischs, secziun Cuoir. Al cuors s'han malavita partecipats be scholars ladins, cumbain ch'el d'eira previs per tuots idioms.

Ün cuors magari interessant füt quel per ün gö da Nadal a Domat. Quia gnit muossà co chi's pudess improvisar üna festivaziun sün basa biblica cun tuot las scoulas, scha tuot ils magisters stan insembel e tiran vi da la medemma tretscha.

Üna consultaziun per regissurs as pudess nomnar l' inscenamaint da la «Tema da viver», drama in 3 acts da Werner Gutmann / Gion Deplazes cun las societads reunidas da Lumbrein. Il toc es in seguit passà in scena plüssas jadas ed id es da sperar cha la lavur prestada sarà buna da persvader chi vala la paina da preparar bain ün toc teater.

Eir tradüeziuns novas gnittan procuradas o surdattas in cumünanza cull' Uniun da Scripturs Rumantschs e dessan gnir publichas per la prossema stagiun da teater:

Romain Roland: Dr. Knock (dr. A. Decurtins)

Marcel Pagnol: La femme du puitasier (Theo Candinas)

Carlo Goldoni: La bottega del caffè (Rav. Rico Parli)

Carlo Goldoni: Il servitore di due padroni (Franz Capeder)

Luigi Pirandello: Lumie di Sicilia (Tista Murk)

Helmut Schilling: Dromo der schlaue Knecht (Curo Mani)

Consultaziuns per societads sun gnidas fattas in scrit total 14 cun 46 tocs ed a bocca üna buna dunzaina.

Dimena, na forsa üna fich gronda lavur, mo üna lavur cuntinua. Quist es meis ultim rapport davart l'actività per il teater rumantsch ed eu turnaint a la LR l' incumbenza chi m' es statta affidada avant ons cun ingrazchamaint d' avoir pudü servir a nos pövel sün quist chomp important da nossa vita culturala.

Tista Murk

Ediziuns dalla Ligia en lavur

Pledari sutsilvan

Igl manuscret e vagnieu drizo suainter l' ortografeia definitiva, cun agid digls signurs dr. Loringett a R. A. Caviezel. Cun quella caschün vainsa ear scurzanieu igl manuscret suainter las racumandatzgüns da signur dr. A. Schorta ca veva repasso l' antiera lavur digls 1963, ca sa ussa vagnir surdada agli stampa.

Curo Mani

Vocabulari da Surmeir

Chest onn savainsa dar bunas novas digl Vocabulari da Surmeir. An dus sedutas (4 da settember a Coira e 16 d'otgover a Casti) ins ogl finalmaintg pudia fixar la scripziun ed usche dar la pussebladad agls redacters da parager igl manuscretg per la stampa. La lavour tgi nous vagn fatg durant igl anviern e tgi niro intensivada durant la stad cumpeglia la revisiung manedla da mintga pled, an risguardond las correcturas da sigr. dr. Schorta, scu er las scripziuns digls dicziunaris da Nagiadegna e da Surselva, surtot tar plects internaziunals. Igl aton 1966 duess igl manuscretg esser pront per la stampa.

Mena Wüthrich-Grisch

Publicaziuns dalla Ligia 1965

Bien di, bien onn, Lehrbuch der rätoromanischen Sprache (deutsch-surselvisch) von Sep Modest Nay. 3. unveränderte Auflage.

Brumbels, versets par noss pintgs, da Anna Capadrutt.

Carnets OSL e LR, ediziuns comunablas dall'Ovra svizra per lectura alla giuventetgna e dalla Ligia Romontscha:

Nr. 553 La chavretta da Sar Padruot, versiun ladina da Cla Biert, illustraziuns da Marcel Vidoudez.

Nr. 918 Viagiond cul navigagl, versiun sursilvana da Pius Camenisch, illustraziuns da Richard Gerbig.

Nr. 919 Igl curer Risch, da Luzi Tschärner, illustraziuns da Corina Galvagni-Steinrisser.

Nr. 920 Igl skis, da G.P. Thöni, illustraziuns da C. Könz.

Scrivànts sutsilvans, da Curo Mani. Pintga raschlada d'amprovas literaras, zavro schlargieu ord digl calender PMG 1965.

Sper l'En, chanzuns per cor masdà da Armon Cantieni. Segunda ediziun amplifichada.

Uorsin, da Selina Chönz e Alois Carigiet. Secunda ediziun surmirana-sutsilvana. Adattaziun surmirana da pader Alexander Lozza † e sutsilvan da Curo Mani.

Zocla, Zila, Zep la, raquintaziun e maletgs d'Alois Carigiet. Versiuns romontschas da Hendri Spescha e Cla Biert. Emprima ediziun.

Periodicas

Il Giuven Grischun, fegliet per la giuventetgna romontscha grischuna. Cumpara en tuts idioms sis gadas durant il temp da scola. Redacziun: Martin Fontana, Castrisch.

La Pùnt, figliet par la Sutselva. Samtgieu da S. Loringett, Cuira. Vean or mintga mains. XIV. anada.

La scoleta, figliet par la Cuminanza Mussadras Rumantschas. 16avla anada. Cumpara an tuts idioms.

Publicaziuns sustenidas

BINSAN, chanzuns da Peider Champell, publicadas in quatter quaderns da N. Giarmara, Lenzburg. II. cudaschet per 2—4 vuschs. Squitsch Fotocopia Offset Fasler-Druck AG, Aarau 1965.

Burnida, da Theo Candinas. Ediziuns Fontaniva, Cuera 1965.

Fluors, quarta ediziun. Stamparia engiadinaisa SA, Samedan 1965.

Register general dil kalender «Il Glogn» 1925 tochen 1953, cumpilaus da P. Vigeli Berther. Squetsch separau dallas Annalas annada LXXVIII. Stampa Romontscha, Mustér 1965.

Schibettas, poesias da Gion Deplazes 1957—1965. Ediziun Desertina 1965.

Autras publicaziuns romontschas buca periodicas

Filina, da Margrit Roelli. Versiun ladina da Angelina Secchi e sursilvana da Giachen Giusep Casaulta. Ediziun Ex Libris. Turitg 1965.

Glisch alpina, da F. Weiser. Versiun romontscha da Pius Camenisch. Ediziuns Desertina, Mustér.

Homens prominents da Bravuogn e Latsch, da Gian G. Cloetta. Ediziun digl autor. Stamparia engiadinaisa.

Il rövén, poesias da Jon Guidon. Edziun da l' autor. Stamparia Roth SA, Tusaun 1965.

L a u d a i l S e g n e r, canzuns choralas per la baselgia evangelica romontscha. Ediziun: Colloqui Sur igl Uaul e Fundaziun Anton Cadonau 1965.

T s c h a n t a m a i n t s d' E n g i a d i n a b a s s a, edits da Andrea Schorta. Separats our da las Annalas da la Società retoromantscha, Cuoir 1965. (Rechtsquellen des Kantons Graubünden, Serie B. Dorfordnungen. Band I, Die Dorfordnungen des Unterengadins.)

Nossas societads affiliadas

Societad Retoromontscha

Igl onn 65 ei staus per nossa societad in onn dad impurtontas decisiuns, sco nus sperein en favur da nossas miras cumineivlas.

En sia sesida dils 7 d' avrel ha la suprastanza decidu da tscher-car in tierz redactur pil DRG ed aschia accellerar la publicaziun sin 12 artgas ad onn, enstagl da tochen dacheu maximalmein 9, quei en treis faszichels. Quella mira veva nossa societad gia exprimiu cun sia istanza al Cussegl federal 1963. Unanimamein ha ella decidu da gudignar prof. dr. J a c h e n A r q u i n t per quei post. Professor Arquint ei promts da bandunar la Scola cantunala per in onn per sededicar a questa incarica, ed il Cussegl pign ha dau congedi ad el per quei temps.

Tochen ussa ei il DRG vegnius stampaus dalla Stamparia Bischofberger a Cuera, quei duront 25 onns. Nus engraziein alla firma Bischofberger per ses buns survetschs. Cun dus redacturs fuvan nus s' obligai viers Berna e Cantun dad edir mintgonn 9 artgas. Quei ritmus da publicaziun ha gia caschunau certas difficultads, principalmein suenter che Bischofberger ha bandunau la stampa a maun e midau silla maschina. Allas pretensiuns cun treis redacturs ha Bischofberger declarau da buca pli saver survir (12 artgas ad onn).

La suprastanza ha perquei priu contact cun ina stampa gronda e signau in contract culla «Buchdruckerei Winterthur», ina firma specialisada per ovras scientificas.

Il DRG ei cumparius uonn en dus faszichels, 48 e 49, quei buca senza empau breigia. Nus sperein fermamein ch' igl onn 66 porti a nus ils desiderai 3 faszichels. Il material per 10 artgas ei gia promts.

Las Annalas 78 ein cumparidas quest atun enstagl dalla primavera, puspei in vast volum da bunamein 300 paginas. Ellas cuntegnan differentas lavurs zun preziusas. Il tom ei dedicaus a nies

cauredatur, dr. Andrea Schorta, per siu 60avel di da naschientscha. Dapi l'entschatta han las Annalas custau 5 frs. Suentar prest 80 onns vein nus cartiu dad astgar alzar il prezi sin francs 8 il tom.

Cumparius ei en fuorma da cudisch, in bi volum da 700 paginas, il tom I, Seria B dallas Fontaunas da dretg: «Tschentamaints d'Engiadina bassa», edius dad Andrea Schorta e da retrer mo dalla SRR.

Igl onn current vein nus saviu acquistar la biala biblioteca da Ramun Vieli da buna memoria. Ella sesanfla ussa ella stanza dil tierz redatur.

Nossa situaziun finanziaria sebasea sil conclus federal ch'ei ius en vigur culs 15 da matg digl onn current e che garantescha al DRG 85 % subsidi dils cuosts, maximalmein 140 000 frs. Per saver denton far diever da quels, quei ch'ei necessari cul tierz redatur, vegnin nus a stuer pitgar porta tier il Cantun.

Nus lessen buca concluder nies rapport senza engraziar als redactors dil DRG e dallas Annalas, als members dalla Cumissiun filologica, als commembers dalla suprastanza e revisurs da quen per lur lavur prestada en favur ed a pro da nossas miras. Dieus paghi a T. Murk per igl actuariat da 10 onns.

En pietad ed engraziament seregurdein nus era da nos defuncts, amitgs, commembers e fauturs. A Basilea ei morts suenter greva malsogna prof. dr. Toni Reinhard, dapi 1960 member dalla Cumissiun filologica. La stad vargada ha il valent scribent surmiran Giatgen Mitgel Uffer bandunau nus ed igl atun il senior dils scribents romontschs, Gion Gianett Cloetta. Omisdus buns colaboraturs che han aunc publicau ovras ellas Annalas 78. Medemamein quest atun ha la mort clamau dr. Giusep Desax, anteriur directur dalla canzlia cantunala e redatur dil Tagblatt. Dr. Desax ei staus member da nossa suprastanza dils 1921—29, ils davos treis onns cassier. La davosa lavur ord sia plema ei bein stada la recensiuin dallas Annalas 78. Nus lein mantener nos defuncts en buna memoria.

Gion Deplazes

Romania

Nies Tschespet: Quel ei comparius il november 1965. La 44avla annada porscha als lecturs romontschs raquents da Benedetg Caminada, Mustér, in scribent ord miez il pievel. Quest Tschespet ha giu per finamira de renconuscher la gronda premura dil scribent per il lungatg mumma.

Ischi: La 49avla annada digl Ischi ei comparida en fuorma zun voluminusa (256 paginas). Cun ina certa satisfacziun san ins

constatar in carschament de rodund 400 novs abonnents ellas re-tschas dils lecturs digl Ischi. Cheu descha al redactur sgr. prof. Alfons Maissen, Cuera, in grond engraziament concernent promo-ziun de quei organ. Speciala menziun ed atenziun denter las lavurs comparidas egl Ischi meretta il studi historic da prof. Giusep Lom-briser, Trun/Friburg, edius da prof. Martin Soliva, Cuera. La lavur historica porta il tetel: «Nicolo Rusca e siu temps» 1563—1618.

Il december 1965 ei comparida la broschuretta d' affons: «Re-gal de Nadal».

La Secziun studentica della Romania ha ensemen cun la Ladinia ediu 4 gadas il «Corve Talina».

L'jamna dals 19 entochen ils 25 d'avrel 1965 ha giu liug a Vella/Lumnezia il camp studentic interromontsch sut il moto: «Instrucziun burgheisa».

L'Exposiziun ambulonta ei stada il november 1965 a Winterthur. Leu eis ella vegnida exponida el museum industrial (Gewerbemuseum).

Il cudischet de canzuns «Juhè» ei vegnius restampaus en in diember de 2000 exemplars. Gl'exemplar singul cuosta francs 3.—. Da 10 exemplars naven dat ei ina reducziun de 50 raps il toc.

La Romania, sco era la Secziun studentica ein vid igl elaborar statutas novas.

A caschun della radunonza generala della Romania dils 26 de december 1965 a Trun ha lic. oec. Dumeni Columberg, Cavardiras/S. Gagl, plidau sur dil tema: «La situaziun economica en Surselva». Quei referat ha clamau ina viva ed interessanta discussiun. Quei ei il meglier mussament ch' il referent ha giu la capientscha de captivar igl auditori. Al referent en special, mo era als students dell' economia, che sedattan tutta breigia per metter en svilup industrial nossa stretga patria, descha grond e sincer en-graziament.

Degonda Francestg, president

Uniun dals Grischs

L'an scuors nun ha portà a l'Uniun dals Grischs ed a sia supra-stanza ingünas grondas uondas, ni d'entusiassem ni da dischillusiun. Grand plaschair ans ha fat la nominaziun dal redactur dal Dicziunari rumantsch grischun, sar dr. Andrea Schorta sco doctor honoris causa. Inplü es dr. Schorta gnü undrà l'an passà cul Prix Veillon. Noss meglders giavüschs l' accumpagnan eir i'l avegnir.

J o n S e m a d e n i a n s ha darcheu regalà ün drama chi s'occupa cun ün problem immens actual: l a r e s p u n s a b i l i t à u m a n a .

L'Uniun dals Grischs ha sustgnü las seguintas publicaziuns: Il «B i n s a n I I » ün cudesch da chanzuns da Peider Champell, cum-pars ingon in marz. L'ediziun ha pisserà cun bun' incletta sar mag. N i c o l o G i a m a r a . Ün oter cudesch da chant rumantsch cha l'Uniun dals Grischs ha güdà edir as nomna « L o d a i ». I's tratta dal nov cudesch da chant da la baselgia catolica in Engiadina e Val Müstair. La granda lavur vi da quaista ouvra ha prastà il sar pader S i m a t h da Müstair. Il terz cudesch da chant cha noss'Uniun ha sustgnü es la reediziun da las « F l u o r s ». Eir a quella cumischiun nos sincer ingrazchamaint per lur lavur.

La suprastanza da l'Uniun dals Grischs ha gugent laschà pervngir ün sustegn eir al « C o r v » per ch' el possa cratschlar inavant seis tuns sechs e sfess chi sun tuottüna pel solit bainintunats scha neir na lusingiants per minch' ureglia.

Sar mag. E m i l B u c h l i a n s ha regalà l' an passà per Nadal seis « S p e j e l » chi's cumpuona da traducziuns da poesias da W i l - h e l m B u s c h e d' üna seria da poesias originalas.

La suprastanza da l'Uniun dals Grischs ha intimà a la Lia Rumantscha da reedir « N o s s a s f a r a b l a s » da sar mag. W i l - h e l m V i t a l e da giunfra A n n i n a V i t a l sün via fotocopia. Giunfra Annina Vital ha s-chaffi 100 novs disegns per quaist' ediziun. La suprastanza da la Lia Rumantscha ha agradi nos giavüsch, perque la spordschain nus ün sincer ingrazchamaint.

Ün oter fat allegraivel es stat per nus l'impromischiun da sar directur M e y e r da la chasa editura « S i l v a » da vögliair edir da quinder invia eir cudeschs da «Silva» in lingua rumantscha. Sar dir. Meyer giavüscha expressamaing d' edir la «Heidi» sco prüm cudesch rumantsch illa collecziun da la «Silva». Lapro surpiglia la chasa editura «Silva» svesse tuots ils cuosts da stampa. Nus avain be da pisserar pel manuscrit. Cun la traducziun da la «Heidi» s'ha occupà cun granda premura sar mag. W. V i t a l , Z u o z .

L a F a t s c h a d a n o s s c u m ü n s es gnüda rinfrais-chada cun bellet s-chet rumantsch e que in differents lös da San Murezan fin Sa. Maria, cumprais la Chasa da Vulpius, il traductur da la Bibla granda.

Ils 6 differents cuors da scolaziun per creschüts illa Chasa Fliana sun stats frequentats da glieud da tuottas etats e da 17 differents cumüns. Al cuors da duonnas e giuvnas chi ha dürà 11 eivnas (ün di l' eivna) han tut part 91 interessentas.

I'm suprastà amo da render attent eir in quaist lö ad ün nouv gö da nossa premurusa giunfra Franca Bernina von Guaita intitulà «Nossa Val — nos En». Cun quaist gö pugaina imprendier la geografia da noss' Engiadina, giovand. Oters gös da giunfra Bernina sun: La lottaria cun cunstabs; Gian il furbaz; La schlitrada e'l Peider s-charbunà cun ornamentals engiadinais. Ün grazcha fich a giunfra Franca Bernina.

Meis ultim pled sco parsura da l'Uniun dals Grischs saja ün sincer e cordial ingrazchamaint a tuot quels figls e figlias da nossa terra ladina, chi prastan adüna darcheu o publicamaing o zoppadamaing, in o our d' Val üna granda lavur per nossa chara lingua.

Eviva l'Uniun dals Grischs, eviva il rumantsch e 'ls Rumantschs!

R. Parli, rav.

Renania

La suprastanza dalla Renania ha gl'onn vargau en emprema lingia giu da sefatschentar cun ils problems da sia misergia finanziaria. Ils mieds che tunschevan inaga per las treis ediziuns dalla «Casa Paterna», pil «Calender per mintga gi» e per ils dus «Duns da Nadal» ein aunc adina ils medems, daferton ch' ils cuosts da stampa e dalla lavur creschan ad in crescher. La Renania ha ediu ils 1965 sias periodicas regularmein.

In extendiu program da lavur, che vegn a s'effectuar pér ils 1966 e 67, vul dar pli gronda peisa al survetsch da referats, seras romontschas ed alla fatscha da nos vitgs. Entras reuniuns culs sculars cantunals e cun auters giuvenns sesents a Cuera duei il contact denter Renania e generaziun giuvna vegnir schaffius; ina sesida en quei senn ha giu liug ils 3 da december a Cuera.

In bionto lavur han entgins members dalla suprastanza dalla Renania prestau cun metter a strada e preparar la gasetta meinsila per sculars, «Il Giuven Grischun», ina nova periodica che empermetta da schaffir ina punt denter ils differents idioms romontschs; quei organ ei denton vegnius surprius dalla LR.

In special accent tschenta la Renania sin la scolaziun romontscha dils carschi. Cuors da carschi per avanzai (= cuors II) vegnan teni giu uonn a Schnaus, Flem, Trin e Veulden. A Flem e Trin han giu liug entras iniziativa dalla Renania mintgamai ina sera romontscha d'auturs cun in'exposiziun da cudischs romontschs.

Martin Bundi, president

Uniung Rumantscha da Surmeir

En evenimaint tot special è mintg' onn an Surmeir la radunanza generala da l'U.R.S. Igl onn 1965 ò chella gia li igls 7 mars a Savognin. Dasper las tractandas statutaricas figurava sen la glista en referat da noss redacter e sribent Albert Camen, titolo: «Derivanza e svilup digl carstgang». Gl'è veiramaintg sto chegl en tema tgi ò interesse fitg igls auditours. L'istorgia da la derivanza e digl svilup digl carstgang è gio an sasez problematica. Ma gist parchegl egl inditgia, da chi e lò er tratar chestas dumondas enpo pi delicatas. Igl intent principal è adegna chel, da tscharcter e catar la verda d. Chegl è prancepi sublim da totta scienza. Igl referent ò tgapia da purtar igl sies referat schi bagn e serious, tgi cun raschung òn tots preschaints applaudia chesta stupenta prestaziung.

Vocabulari surmiran: Siva pi lung taimp è igl onn 1965 la dumonda d'ortografia da noss vocabulari puspe neida discussiunada e decideida definitivamaintg. Gl'è zont plaschevel, tgi gl'è reussia da catar ena sliaziung da compromiss. Nous debitagn grond angraztgamaint a noss redacters: dr. donna Mena Wüthrich-Grisch e dr. Ambros Sonder. Ma er agl parsoura da la LR lessan nous angraztger an chest li per tottas fadeias e per l'ancligentscha demussada cun occasiung da las differentas sedutas.

«Noss Sulom 1965»: Redacter Gion Peder Thöni ò puspe regalo a «sies» pievel surmiran ena annada digl Noss Sulom (no. 44). Differents autours òn mess an disposiziung l'egn e l'oter artetgel. Prosa e poesia anritgeschan igl cuntign da noss organ annual surmiran. Da l'istorgia surmirana ans rachinta scolast Gisep Sigron, igl cal ò sen la fegn digl 1964 gio mess an disposiziung igl manuscret per ena nova publicaziung da l'Uniung Rumantscha da Surmeir, titulada «Sen tarratsch surmiran». Chest codesch ò veiramaintg cato buna accoglientscha tar noss pievel. «Sen tarratsch surmiran» è ena fanestra ainten l'istorgia surmirana, rachintada dad egn tgi so sez tadlar la musa e la nateira. Nous ischan loschs d'aveir chest codesch sen meisa. Agl autour seia angraztgea fitg e gratulo per l'ovra schi bagn gartageda.

Calender Surmiran: Gio per la 15avla geda è antro an steiva surmirana igl «Calender Surmiran», redigia cun distincziung da scolast secundar Faust Signorell. Chesta publicaziung da character popular ò fitg gronda impurtanza, betg igl pi davos er per la scola. Igl onn 1964 veva igl redacter publitgia igls noms rumantschs da

plantas e tgaslias indigenas. La davosa annada porta scu continuaziung la nomenclatura rumantscha da las flours. Talas lavours maretan gronda rancunaschentscha. Chegl è an madem taimp er sarvetsch per la patria!

Naturalmaintg ò la gasettigna «Pagina da Surmeir» er chest onn pitgia la porta 12 gia ved la steiva surmirana, purtond artetgels e tractats da different gener. Scu betg da spitgier oter, ò mintga nomra do pardetga da l' amour per patria e lungatg da sies redacter: Albert Camen, Lai. Er schi la radunanza generala ò stuia dulzar la contribuziung annuala per la «Pagina» da frs. 3.50 sen 5.— frs., òn igl abbonents tutezna mantignia fidevkladad a noss organ meinsil.

Sen taragn musical lessans anc menziunar igl concert digl Chor viril d'Alvra cun la cantata da D. Sialm: «Banadetg Funtana». Igl chor ò gia bung succes cun chesta bel' ovra.

Toni Cantieni, president

Uniun da Scripturs Romontschs

Denter las novas legreiblas digl onn vargau audan bein las numerusas publicaziuns litteraras da nos commembers. La renconuschientscha beinmeritada per lur ovra han Sur Giusep Durschei e Curò Mani retschert cun in premi «Schiller». Ludovic Hendry ei vegnius recepius ell' Uniun da scripturs svizzers. A tuts nossa sincera gratulaziun!

Denton vein nus era da lamentar la sperdita da dus premurai commembers e fideivels fegls romontschs, Giatgen Uffer e Gian Gianett Cloetta han mess per adina la plema silla vart. Nus lein seregurdar dad els en carezia e pietad.

La radunanza generala da noss' uniun ha giu liug ils 3 d' october a Rabius. Ella ei stada combinada cun prelecziuns en las scolas dil contuorn sco era cun ina serada populara a Rabius, la quala ha giu stupent esit. Reverend Duri Gaudenz ei vegnius recepius a caschun dalla radunanza sco niev commember. Cla Biert ei seretratgs dalla CL, ad el auda nies engraziament per ils buns survetschs prestai.

La suprastanza ei seradunada ils 26 da zercladur a Cuera per preparar la radunanza generala e discussionar auters problems urgents.

La Cumissiun litterara ha giu da prender suenter ils giudicats dils 63 ed ei secattada per l' emprema ils 28 da november 64 a Cuera, lu ina secunda gada per calonda matg 65 a Domat. En

omisduas sesidas ein plirs premis litterars vegni reparti sin fundament da giudicats. Sur A. Wihler ha demissiunau sco parsura dalla CL, el stat denton vinavon sin post sco commember; in grond Dieus paghi per la lavur e promptadad! Gion Artur Manetsch ha surpriu la successiun.

Las prelecziuns per scolars e carschi han giu in bufatg success ed han survargau el diember la secunda decada. L'acziun en quella dimensiun ei stada pusseivla muort la Ligia Romontscha che ha concediu per inagada in supplement extraordinari.

Dus scribents han duront la stad fatg diever dil stipendi da viadi concedius ad els per veser il mund e slargiar il «horizont».

En grond diember essan nus stai representai alla radunonza generala dall'Uniun da scripturs svizzers a Schaffusa. E varga in chischlet dils nos han giu l'honor da presentar la faviala retica ellas scolas dil marcau.

Il teater romontsch stat a nus fetg a cor. Nus selegrein perquei che Gion Mani ha realisau l'incumbensa dada ad el per in teater original romontsch. Prof. Dr. A. Decurtins e Tista Murk han procurau duas bunas translaziuns. Ulteriuras incumbensas per translaziuns ein repartidas.

Las Novas Litteraras 65 han presentau sut il niev redactor ina critica litterara che ha dau talien per aunc pli da quella sort.

Theo Candinas

Cumünanza Radio Rumantsch

Daspö la fin 1965 funcziunescha a Cuoirä ün post da programms u pü bain dit ün studio auxilier da radio. El as componna da trais locals, nempe d' üna staunza cun il microfon, d' üna seguonda staunza cun l'apparatura per registrar emissiuns u per las cumbiner directamaing vers ils emettuors da radio, scu eir la terza staunza, il pitschen büro. Quaist studio auxilier fo part dal servezzan dals programms da la «Societad da Radio e Televisiun da la Svizra tudais-cha e rumantscha» dal radio e da la televisiun svizra (SSR). El serva spezielmaing ad executer sün piazza programms da radio rumantschs, ma eir programms da radio regiunels dal Grischun tudais-ch. El sto suot la chüra locala ed administraziun da la CRR. Sieu scopo principel ais da simplificher il servezzan da programms e da diminuir las spaisas da viedi e la perdita da

temps, siand cha il prossem studio principal ais a Turich. Üna granda part da nossas emissiuns da radio vegnan in avegnir da quaist studio a Cuaira.

La radunanza generala da la CRR avet lö als 3 lügl a la Planoira da Lantsch. In quaista füttan da tscherner ils organs da la societad per il nouv trienni 1965/67. Al cussagl da la CRR eiran da rimplazer duos commembers, nempe ün per v. cuss. guv. dr. A. Cahannes barmör ed ün per v. cuss. naz. dr. G. Condrau, Mustér, demissiunari. A lur plazza gnittan tschernieus G. A. Manetsch, Cuaira, e Pius Condrau, Mustér. Eir l' üsiteda partiziun dal premi radio da la CRR avet lö in quaist' occasiun. Quaista vouta il survgnittan ils duos cors virils, nempe il Cor viril Val d'Alvra ed il Cor viril Engiadina bassa. Ün fich bel imbellimaint da nossa radunanza generela füttan las produenziuns da chaunt dal Cor viril Val d'Alvra suot la bachetta maestrela dal dirigent Toni Cantieni, Vaz.

Las emissiuns da televisiun augmentettan l'an 1965 sün 6, saunza quellas sporadicas in ils programms tudais-chs. Ellas seguan suot il motto «Il balcon tort». Noss sforzs per ün augmaint da las uras d' emissiuns da radio rumantschas continuan.

Ad eseguittan darcho 6 emissiuns da radio scola, accompagnadas minchüna da la giazettina «Radioscola» bain illustreda e dals texts complessivs.

Chr. Badraun, parsura

Cuors romontschs 1965/66 organisai dalla LR e da sias societads

Liug:	Scolast:	Diember participonts:	Idiom:	Cuors:
Cuera	dr. J. C. Arquint	7	ladin	I
Cuera	G. Carigiet	5	sursilvan	I
Flem	dr. M. Bundi	10	sursilvan	II
Glion	E. Capeder	6	sursilvan	I
Trin	A. Candrian	5	sursilvan	II
Puntraschigna	O. Cantieni	12	ladin	I
Razén	S. A. Muoth	7	sursilvan	I
Schnaus	M. Cavegn	7	sursilvan	II
Scuol	J. Vonmoos	9	ladin	I
Scuol	D. Gaudenz	10	ladin	I
Scuol	A. Planta	10	ladin	I
Scuol	J. Vonmoos	7	ladin	I
Scuol	J. Vonmoos	9	ladin	II
Scuol	R. Luppi	8	ladin	II
Scuol	A. Planta	8	ladin	II
Scuol	R. Luppi	5	ladin	III
S. Murezzan	A. Parli	7	ladin	I
S. Murezzan	A. Parli	6	ladin	II
Veulden	A. Tscharner		sutsilvan	II
Zernez	G. Filli	5	ladin	I

Cun plascher menziunein nus era cuors romontschs che han liug per la Svizra entuorn, per ex. Basilea, S. Gagl e Turitg, supplichein denton d' annunziar tals.

Fatgs legreivels

Il seminarist Bernhard C a t h o m a s da Breil ha obteniu ella concorrenza da lavurs pil «Di europeic da scola 1965» il premi europeic che cumpeggia in stipendi da viadi alla repartiziun dils premis internaziunals alla sedia dil Cussegl d'Europa a Strassburg ed in viadi da studi d'ina jamna tras in stat europeic. La sesida festiva a Strassburg ei stada marcada d'ina gronda simpatia viers nossa quarta lingua naziunala.

Nus Romontschs possedein ella persuna da dr. Luigi C e s a n a a Milaun in attaschau admiratur da nossa viarva. Sias vacanzas da stad ha el passentau en Svizra ed ha visitau la Casa Romontscha e presentau cun grond plascher ina versiun dil «Bien di, bien onn» per Talians che vulan emprender romontsch. El patratga schizun da semetter en sias uras libras all'elaboraziun d'in vocabulari sur-silvan-talian.

En occasiun da siu giubileum da 75 onns ha la C O O P, Basilea, schau preparar ina versiun romontscha dil film documentar dil departement d'educaziun da Neuschatel ord la Brévine intitulaus «Quand nous étions encore petits enfants». Quei film vegn probabel mussaus el decuors digl onn 1966 e dat in maletg dalla veta en ina part da nossa patria a nus pauc enconuschenta.

Ad in concert dils chors, che dir. da musica W. Aeschbacher dirigia, dils 29 da matg 1965 a Basilea han il C o r v i r i l d'en-giadina e la L i g i a G r i s c h a representau il romontsch cun excellent success. Da quei concert ein era chors da Basilea, Berna e Lucerna separticipai.

A Bravuogn ei seconstituida ina « C u m ü n a n z a C u l t u r a l a P r o B r a v u o g n » cun la mira da mantener e promover cultura e lingua bargunzegna. Ella vul surtut far frunt alla continuada digren dil patrimoni romontsch cun suandar las directives che la LR ha stabiliu en vesta dalla depopulaziun da nossas vals en siu rapport annual 1964 (pag. 9). Possi quella meriteivla acziun haver il giavischau success!

La casa editura « E X L I B R I S » ha tarmess alla LR ina contribuziun da fautur da treitschien francs. Ultra da quei ha ella ediu sin agen cuost il cudisch per affons «Filina» da Margrit Roelli. Nus savein bien grau per quels mussaments da simpatia.

Il F o n d n a z i u n a l per la scrutaziun scientifica ha accordau a Sur dr. Felici Maissen, Trun-Zignau, ina contribuziun alla stampa da sia voluminosa ovra «Die Republik der Drei Bünde in der zwei-

ten Hälfte des 17. Jahrhunderts. Quella distincziun vegn senza dubi a dar anim per ulteriuras lavurs davart nossa varionta historia grischuna ch'ei in camp da lavur preferiu da nies historiograf romontsch e redactur dallas Annalas.

Inspirada dall' EXPO 1964 e grazia alla collaboraziun dils clubs dil cudisch svizzers cun la cuminonza da lavur Forum alpinum, Turitg, ei vegnida edida la collecziun Forum alpinum. Ultra dil grond cudisch illustrau che porta il medem num cumpeggia ella in' antologia da musica popolare autentica dallas muntognas svizras, 7 entagls regionalis ed 1 entagl en treis colurs. Quella impressiun nonta ovra scretta els quater lungatgs naziunals ei patertgada sco contribuziun per sclarir damondas actualas d' existenza da nossa populaziun muntagnarda.

Sco nus vein già annunziau en nies davos rapport annual vul la Nova biblioteca svizra a Turitg publicar in ni dus toms cun prosa romontscha en tuts idioms. Per quella raschun ha signur Karl Meyer, in grond admiratur e fautor da nossa cultura e directur dalla NBS, publicau ina concurrenza litterara per novellas cuortas els differentis idioms. Il succes ei staus cumpleins. 34 auturs ein separticipai. 5 lavurs ein vegnidas premiadas e 9 ulteriuras vegnan publicadas dalla NBS en in bi tom. Cordiala gratulaziun a tuts participonts e sincer engraziament a signur Karl Meyer ed alla casa editura per il prezius susteniment da nossa caussa.

En occasiun da siu 80avel anniversari ha Daniel P e e r da Tschlin schau reparter a tuttas casadas da siu vitg in exemplar da sia lavur intitulada «Il svilup dal lö Tschlin a regard sia structura ed ils facturs chi promovettan quel». Quei «Dun a la populaziun da Tschlin» ei per ils vegls ina preziosa memoria e per la generaziun giuvna in adattau muossavia.

Il «Sain Pitschen», organ academic da la Cumpagnia dals vegls da la Ladinia, porta regularmein in vocabulari interromontsch. Cheutras vul el, ensemen cul «Corv e Talina», cun l' emissiun «Via-giond cul microfon» e cun «Il Giuven Grischun» contribuir alla megliera capientscha ed uniun denter ils Romontschs.

Dalla fiasta da cant dall' Uniun svizra dils chors mischedai dils 19/20 da zercladur 1965 a Samedan ein buca meins che 17 chors romontschs ord nies entir intschess separticipai. Lur exemplarica cooperaziun ha dau a quella fiasta svizra in colorit tut special che ha acquistau simpatia per nossa viarva tiels biars auditurs e cantadurs dalla Bassa.

En pia memoria

Rico Bianchi (1919—1965). Els cuolms da sia patria grischuna ch' el carezava aschi fetg ei prof. dr. Rico Bianchi sedisgraziaus ils 21 da settember 1965. Il defunct era buca d'origin romontsch, el ha denton empriu nies lungatg ed adina mussau simpatia per quel. Surtut all'instrucziun da historia naturala per nos students romontschs ha el attribuiu gronda muntada.

Ernst Broechin. Era directur da musica Ernst Broechin che ha da miez uost 1965 priu comiau da quest mund era buca oriunds d'ina famiglia romontscha. Tonaton ha el apprezzau zun fetg nossa viarva e surtut nies cant. Contas da sias cumposiziuns sin texts surmirans han gia delectau nos cantadurs e lur auditurs. Aunc ditg vegnan sias canzuns a regordar a quei premurau promotur da nossa cultura.

Gian Gianett Cloetta (1874—1965). Suentar la liunga veta da seriusa lavur ei il nestor dils scribents romontschs semess ils 6 d' uost 1965 a ruaus per adina. Biaras poesias e raquintaziuns dattan perdetga da siu dun litterar. Cun tut speziala affecziun ei il meriteivel defunct staus attaschus a Bravuogn, siu liug nativ. Sia historia, ses fegls egl jester, ses usits e surtut siu lungatg ha el presentau en ina entira retscha d'interessantas lavurs. Cun admirabla energia e perseverenza ha el aunc en ses vegls dis luvrau vid ina grammatica digl idiom da Bravuogn.

Giusep Desax (1887—1965). Cun dr. iur. Giusep Desax ei in fideivel fegl dalla mumma romontscha passaus vi ella perpetnadad. Schebi che sia tgina ei stada ella capitala spagnola, ha el defendiu e promoviu tenor forzas il lungatg-mumma e quei sco president dall'Uniun romontscha da Cuera, sco directur dalla canzlia cantunala ed il davos sco redactur per la part grischuna dil «Bündner Tagblatt».

Sur canoni dr. Benedetg Giger (1907—1966). Ils biars enconuschents da Sur canoni e professor dr. Benedetg Giger ein stai consterni dall'annunzia da sia mort prematura. Sco professor, prefect dils studis e vicerecter ha el prestau biars e prezius survetschs al collegi da Sviz. Cunzun ils Romontschs sursilvans debiteschan grond engraziament a quei savieivel spiritual per ses nundumbreivels buns cussegls, per sia premura sco promotur dalla academia romontscha e per siu exempel d'attaschadad al lungatg-mumma ed al sulom patern.

Felix Murk (1902—1965). In imposant conduct da bara ha accumpignau ils 5 da zercladur 1965 Felix Murk, in feigl dalla biala Val Müstair, a Razén al davos ruaus. Cun perschasiun e vigur ha el malgrad siu grond buordi da lavur promoviu tuts sforzs per mantener lungatg e cultura romontscha en quei impurtont liug. Per tut sias breigias e ses buns cussegls essan nus ad el engrazieivels sur la fossa ora.

Robert Planta. Ils 27 d'october 1965, in bellezza di d'atun, ha v. cuss. guv. dr. Robert Planta fatg per la davosa gada il viadi naven dil casti da Rapertg ad Almen. Sco cau dil departement d'educaziun duront ils onns 1942—1950 ha il niebel defunct susteniu cun perschasiun ils interess dalla Romontschia. Era suenter sia sortida dil Cussegl pign ha el demussau interess e simpatia per nos fatgs ed era adina prompts per buns cussegls.

Erwin Poeschel (1884—1965). Ils 21 da fenadur 1965 ha cun dr. h. c. Erwin Poeschel in grond amitg dil Grischun e scrutatur da siu art e da sia cultura bandunau quest mund. Era nus Romontschs savein bien grau per l'immensa lavur prestada dil renomau defunct sco scrutatur e descriptur da nos monuments d'art e dalla historia d'ina da nossas enconuschentas schlatteinas, dils de Castelberg da Mustér.

Giatgen Uffer (1883—1965). Ella biala vegliadetgna da passa 81 onns ei morts ils 3 da fenadur 1965 a Muralto Giatgen Uffer, in zun activ e premurau Romontsch. Sco poet, novellist, autor da giugs radiofonics e da biars artechels ha igl anteriur scolast a Cunter e Tinizong mess ses duns e savida el survetsch da nossa viarva. Suenter biars onns da dimora egl jester ruaussan sias restonzas terrestras ussa el santeri da siu vitg patern Savognin.

Commemoraziuns

L'academia romontscha dils students claustrals sut l'egida da Rev. P. Vigeli Berther ha organisau pils 27 da matg 1965 ina digna festività commemorative pil 100avel di da naschientscha dil grond amitg dil pievel e preziau sribent P. Maurus Carnot O.S.B. In numerus ed attent publicum ha dau suatientscha all'invitaziun ed honorau cun musica, plaids e poesias il nunemblideivel predicatur e sribent popular. Gion Arthur Manetsch ha en siu discuors festiv dau in profilau maletg dalla veta ed ovra da P. Maurus, dil

fin poet dalla mumma. L'uniun dramatica da Mustér sut la reschia da scol. sec. Augustin Manetsch ha representau in maletg ord il drama «La Ligia Grischa» dil honorau che ha anflau engrazieivla accoglientscha. Sco finiziun ha Mgr. Avat dr. Victor Schönbächler purschiu en viarva romontscha a tuts collaboraturs in cordial engraziament.

Gliendisdis-Tschuncheismas 1965 ei la Val Müstair seregordada en engrazieivladad digl anniversari da 100 onns dalla mort da siu grond fegl P. Theodosi Florentini, fundatur dils instituts dallas soras da Menzingen ed Ingenbohl, dil spital dalla Crusch a Cuera e dil collegi da Sviz. Era la pleiv catolica da Cuera ha commemorau dignamein il centenari dalla mort da siu venerabel benefactor. Per la fiasta digl emprem d' uost ei plinavon cumparida ina marca Pro Patria en honor da quei um che ha luvrau plein anim e fiug sil camp caricativ e social. Igl ei l'emprema gada ch' in Romontsch figurescha sin ina marca postala svizra.

Igl 1 da zercladur 1965 ei staus in di da fiasta speciala per il Lyceum Alpinum a Zuoz. Dir. dr. Adolf Nadig, sia dunna Anna Maria e scolast Peter Geiser ein vegni honorai per lur fritgeivla activitad da 20 onns en quella scola media muntagnarda. Tut specialmein ein ins seregordaus da prof. dr. Anton Velleman ch' ei buca mo staus igl emprem directur (1904—1917) da quella meriteivla instituziun, mobein era in decidiu e fideivel amitg dil romontsch. En siu plaid festiv ha dr. Pierin Ratti, il parsura dalla LR, dilucidau la rola distinguida ch' il honorau ha giugau per la tgira da nies lungatg cun sia voluminusa «Grammatica teoretica, pratica ed istorica della lingua ladina d' Engiadin' Ota» cumparida en dus toms e cun siu «Dicziunari scurznieu da la lingua ladina cun traducziun tudais-cha, francesa ed inglaisa». Surtut ha igl oratur festiv denton sutlignau ils merets da quei um, ch' era buca d' origin romontsch e svizzer, pil manteniment dil romontsch en Giadina aulta el mument ch' il nunspitgau svilup dil traffic e dalla hotellaria tschurventava empau ils Romontschs laschond piarder la stema per las valurs da lur atgna cultura. A quella occasiun ei vegnida scu-vretga ina tabla commemorativa da Giuliano Pedretti en honor da prof. Velleman. Plinavon ha il cussegl d' administraziun dil Lyceum Alpinum decidiu da crear ina fundaziun e da metter a disposiziun ils mieds da quella per la perscrutaziun e promoziun da nies lungatg.

Nos giubilar

Ils 19 d' uost 1965 ha P e t e r J a n k a , Vuorz, saviu festivar en buna sanadad la fiasta da natalezi da 80 onns. Igl anteriur redactur dalla Casa Paterna, president dalla Renania ed actual parsura d' honur da quella ha manteniu ina admirabla vivacitad e persequitescha aunc oz cun interess ils eveniments en tiara romontscha ed el mund.

In giubileum da tut atgna tempra che nus havein bien motiv d' aunc allegar en quest liug ha dunschala D o m e n i c a M e s s - m e r , l' uerbla redactura dil Fögl Ladin, astgau festivar passond cun l' entschatta dils 1966 en siu 21avel onn da survetsch. Tgi ch' ei empau cudischaus cun las relaziuns po cumprender tgei summa da lavur che la giubilara ha prestau sin quei impurtont post, abstrahau da tut sias autras prestaziuns sil camp cultural.

Dus fervents e perseveronts promoturs da lungatg e cultura romontscha, il parsura d' honur dalla LR dr. h. c. S t e f a n L o r i n - g e t t e siu commember d' honur prof. dr. R u d o l f O l a f T ö n - j a c h e n han giu fiasta da Chalandamarz 1966. Fertont che dr. h. c. Loringett ha cumplenu siu 75avel anniversari, ei prof. dr. Tönjachen passaus sur la sava dils 70. Omisdus astgan mirar anavos sin ina mesira tgemblada da lavur e quita pil romontsch. Durent decennis ein els stai alla testa dalla LR ch' engrazia ad els era en quest liug per tuts buns survetschs prestai ad ella.

A tuts giubilar giavischein nus aunc biars onns da buna sanadad e forza corporala e spirtala.

Quen e bilanza 1965

A. Quen general

EXPENSAS

Expensas per organs e persunal

Cussegl	470.40	
Suprastonza	822.60	
President	2 400.—	
Nuder	600.—	
Cumissius	70.—	
Pagas al secretariat	41 861.60	
Paga per schubergiar	474.—	
Supplements da carischia	2 672.—	
Suppl. da famiglia ed affons	1 800.—	
Suppl. d'esperienza	2 587.50	
SVS/SI	5 098.20	
Segirada d'accidents	292.95	
Prestaziun agl anteriur parsura	2 400.—	
Contr. alla segirada da spargn	650.—	
Contr. alla segirada da pensiun	1 521.20	63 720.45

Cuosts da biro

Cuosts da viadi e representaziuns	2 274.20	
Material da biro	1 467.15	
Francatura e vitgira	1 519.30	
Telefon	1 126.25	
Cuosts da banca e schec postal		
(Tscheins passivs)	410.75	
Tscheins per biros	4 523.75	
Scauldament da biros	634.73	
Glisch e forza electrica biros	414.95	
Material per schubergiar	331.—	
Reparaturas e mant. curtgin, installaziuns	351.05	13 053.13

Divers cuosts

Biblioteca ed archiv	699.75	
Abonnements per gasettas e periodicas	617.50	
Inserats	904.10	
Propaganda generala, rapport annual, scartiras d'orientaziun	2 381.80	
Lavurs tras tiazas persunas	223.—	
Segirada da fiug	183.80	5 009.95

Subsidis regulars

Società Retorumantscha	3 700.—	
Romania	5 000.—	
Uniun dals Grischs	3 700.—	
Renania	3 700.—	
Uniung Rumantscha Surmeir	3 700.—	
Uniun da Scripturs Rumantschs	1 000.—	
Cumünanza Radio Rumantsch	300.—	21 100.—

Subsidis supplementars

Società Retorumantscha	2 000.—	
Romania	9 600.—	
Uniun dals Grischs	6 480.—	
Renania	2 160.—	
Uniung Rumantscha Surmeir	2 880.—	23 120.—

Per survetsch da referats

3 010.—

Per la fatscha da nos vitgs

3 480.—

Per periodicas d'affons

2 175.—

Divers subsidis

URS per «Mossaveia da plets novs»	500.—	
USR per studis	870.—	
USR per cumissiun litterara	500.—	
USR per ovrass litt. novas	1 600.—	
A particulars	3 080.—	
Per ediziuns litt. e music.	2 300.—	8 850.—

Scolettas

Pagas allas mussadras	57 060.80	
Paga alla instructura	5 449.—	
Paga schubergiar scoletta Cuera	1 050.—	
Segirada d'accidents (diversa)	353.40	
Provediment p. instr. e mussadras	1 185.60	
Cuosts da viadi per survigilanza	853.65	
Cuosts per cuors mussadras (1965 ord res. 3 550.50)		
Ediziun «Scoletta» (1965 ord res. 250.—)	10.—	
Cumpra da material e mobillas	1 094.90	
Tscheins per scoletta Cuera	2 560.—	
Scauldament per scoletta Cuera	472.16	
Glisch e forza electrica scoletta Cuera	252.90	
Material per schubergiar scoletta Cuera	61.—	
Subsidi a scolettas	15 000.—	85 403.41

Cuosts specials per mantener il lungatg

Pil teater	1 760.90	
(1965 ord res. 4 000.—)		
Per cuors da lungatg	5 830.80	
Mieds didactics rom. per scolas fundamentalas tudestgas	200.—	
«Il Giuven Grischun»	2 675.70	
Cuors en scola	5 939.55	
Lectura Sutselva ed il Plaun (1965 ord res. 800.—)	725.65	
La Pünt	1 200.—	18 332.60

Amortisaziuns

Maschinas da biro	278.50	
Mobiliars da biro	192.05	470.55
		<u>247 725.09</u>

ENTRADAS

Subsidis e contribuziuns

Subsidi regular dalla Confederaziun	100 000.—	
Subsidi supplementar dalla Conf.	10 000.—	
Subsidi dil Cantun	80 000.—	
Contribuziun dallas vischnauncas	2 080.30	
Contribuziun da fautors	10.—	192 090.30

Entradas ord investiziuns

Tscheins	3 143.70	
Tscheins ord fonds	903.10	4 046.80

Entradas diversas

Legat Anton Cadonau	800.—	
Fundaziun Casa Rom. p. scoletta Cuera	1 000.—	
Renania	200.—	
Uniun da puras Flem-Vitg	250.—	
Contribuziuns publicas per scolettas	27 732.45	
Marcau da Cuera	5 000.—	
Marcau da Turitg	2 000.—	
Taxas dils scolarets	6 434.70	
Cuors da lungatg	2 475.—	
«Il Giuven Grischun»	1 381.60	
Marcau da Cuera p. instr. romontscha	2 000.—	
Ex Libris, Turitg	300.—	49 573.75
		<u>245 710.85</u>

Cuosts	247 725.09
--------	------------

Entradas	245 710.85
----------	------------

Deficit	<u>2 014.24</u>
---------	-----------------

B. Quen per las ediziuns

EXPENSAS

Cuosts per ediziuns

Vocabulari da Surmeir	5 130.95	
Pledari da Sutselva	1 307.90	
Cudischets OSL e LR (LR ord res. 65: 3 000.—)	4 130.70	
Ovras Peider Lansel	431.20	
Sper l' En (LR ord res 65: 3 000.—)	1 944.70	
Bien di, bien onn, 3. ediziun	9 021.40	
Uorsin, surm./sutsilv., reediziun	1 462.50	
Zocla, Zila, Zepla, surs.-ladin	18 720.10	
Diversa	5 365.65	47 515.10

Sminuziun da valeta

Sminuziun da valeta dils cudischs	13 471.50	
Augment dils debiturs	3 563.01	9 908.49
		<u>57 423.59</u>

ENTRADAS

Contribuziuns

Cantun per Zocla, Zila, Zepla	2 000.—	
Pro Helvetia per Zocla, Zila, Zepla	5 000.—	
Pro Helvetia per «Sper l' En»	2 000.—	
Pro Helvetia per «Bien di, bien onn»	5 000.—	
LR per canzuns «Sper l' En»	1 000.—	15 000.—

Vendita

Vocabulari rom. surs.-tud.	1 304.95
Dicziunari ladin-tud.	1 566.80
Vocabulari tud.-rom. surs.	1 198.30
Dicziunari tud.-rum. ladin	1 339.20
Uorsin	1 597.25
Brunies, Plauntas e bes-chas	247.70
La Naivera / La cufla gronda	1 325.10
OSL e LR, cudischets	676.01
Canzunettas e versets, sur./ladin	170.35
T. Dolf, Canzuns per chor mischedau	568.95
Pieder Spelau	65.15
Laudinella	739.70
Guardia Grischuna	1 035.85
Nay, Bien di, bien onn	1 516.40

Canzuns sin fegls	710.45	
Zocla, Zila, Zepla	2 877.65	
Nossas Praulas	203.60	
Flurina	1 043.10	
Musa Rumantscha / Musa Romontscha	191.05	
Bibliografia I e II	130.65	
Arquint, Vierv ladin	5 538.39	
Cantieni, Sper l' En	636.65	
Diversa	5 914.62	30 597.87
		<u>45 597.87</u>

Cuosts	57 423.59
Entradas	<u>45 597.87</u>
Deficit	<u>11 825.72</u>

Bilanza

ACTIVAS

Cassa	282.75	
Schec postal LR	7 215.70	
Schec postal La Punt	606.03	
Quen current banca cantunala	2 257.20	
Carnet da spargn nr. 381755	1 909.65	
Carnet da spargn nr. 381756	1 372.60	
Debiturs dallas ediziuns	6 696.88	
Debiturs divers	4 395.30	
Cudischs avon maun	78 736.65	
Participaziun Radio Turitg	200.—	103 672.76
Maschinas da biro	2 208.60	
Mobilias da biro	1 728.70	
Mobilias en scoletta	1.—	
Biblioteca LR e Caviezel	1.—	3 939.30
Deficit 1964	53 513.13	
Deficit 1965 total	13 839.96	67 353.09
Transp. deficit La Punt		1 007.20
<i>Casa Romontscha</i>		
Legat Florentina Töndury	5 000.—	
Legat dr. Felix Calonder	15 000.—	20 000.—
<i>Banca cantunala</i>		
Legat Anton Cadonau	10 000.—	
Legat Eduard Bezzola	5 000.—	
Legat Georges W. Lambercier	10 000.—	
Legat Gian Saratz	2 500.—	
Legat dr. Pieder Tuor	2 000.—	
Legat per scribents malsauns	616.75	30 116.75
Conto dep. 27121 H	20 000.—	
Conto dep. 27121 J	40 000.—	60 000.—
		286 089.10

PASSIVAS

Crediturs divers	21 593.60	
Cassa da spargn pers. LR	7 086.65	
Passivas transitoricas	3 000.—	31 680.25
Emprest Fundaziun Augustin	3 000.—	
Emprest Fond naziunal	58 040.—	61 040.—

Reservas per intents specials

Per ediziuns linguisticas	42 000.—	
Pil teater	16 900.—	
Per ediziuns commemorativas	13 000.—	
Publicaziuns per affons	12 000.—	
Per ovras litt. novas	2 400.—	
Per ovras musicalas	10 000.—	
Cumissium da cant	1 500.—	
USR a disp. per teater	5 200.—	
USR a disp. per studis	1 740.—	
Per cuors per las mussadras	21 449.50	
Per las scolettas	4 500.—	
Dun da Nadal Romania	435.—	
Fatscha d. n. vitgs / Surv. d. ref.	8 327.60	
Cud. da scola, Suts. / Plaun	2 200.—	
Lectura Sutselva / Plaun	1 600.—	143 252.10

Casa Romontscha

Legat Florentina Töndury	5 000.—	
Legat dr. Felix Calonder	15 000.—	20 000.—

Banca cantunala

Legat Anton Cadonau	10 000.—	
Legat Eduard Bezzola	5 000.—	
Legat Georges W. Lambercier	10 000.—	
Legat Gian Saratz	2 500.—	
Legat dr. Pieder Tuor	2 000.—	
Legat per scribents malsauns	616.75	30 116.75
		286 089.10

**Contribuziun annuala da 5 raps per olma
dallas vischnauncas romontschas dapi 1920**

Per igl onn 1965 han las suandontas vischnauncas pagau questa contribuziun:

Mustér	30.—	Uors-Peiden	10.—	Tinizong	50.—
Sumvitg	20.—	Duvin	20.—	Mulegns	10.—
Trun	50.—	Trin	40.—	Sur	10.—
Schlans	7.50	Domat	100.—	San Murezzan	200.—
Breil	63.60	Bonaduz	50.—	Schlarigna	30.—
Vuorz	20.—	Razén	40.—	Puntraschigna	40.—
Andiast	15.—	Preaz	30.—	Samedan	50.—
Rueun	25.—	Sched	6.80	Bever	10.—
Ruschein	20.—	Tumegl	20.—	Madulain	5.—
Schnaus	10.—	Pasqual	20.—	Zuoz	50.05
Schluein	20.—	Almens	20.—	S-chanf	20.—
Sagogn	22.—	Scharans	25.—	Zernez	60.—
Falera	20.—	Calantgil	20.—	Susch	10.80
Flond	10.—	Andeer	50.—	Lavin	9.80
Luven	10.—	Ziràn	35.—	Ardez	24.—
Pitasch	10.—	Lon	3.20	Ftan	10.—
Riein	10.—	Vaz	75.—	Scuol	20.—
Sevgein	10.—	Alvaschein	10.—	Tarasp	20.—
Glion	25.—	Mon	10.—	Sent	40.—
Morissen	15.—	Brinzeuls	5.60	Ramosch	30.—
Cumbel	20.—	Surava	50.—	Tschlin	7.—
Vella	20.—	Alvagni	20.—	Müstair	20.—
Degen	10.—	Bravuogn	50.—	Sta. Maria	20.—
Vignogn	15.—	Salouf	20.—	Valchava	10.—
Lumbrein	5.—	Riom	10.—	Fuldera	5.—
Surcasti	10.—	Parsonz	5.—	Lü	5.—
Tersnaus	7.05	Savognin	31.65		

Il quen 1965

A. Quen general

Cun cuosts da frs. 247 725.09 ed entradas da frs. 245 710.85 resulta in deficit da frs. 2 014.24, ferton ch' il preventiv quintava cun frs. 252 440.— expensas e frs. 246 450.— entradas ed in deficit da frs. 5 990.—.

Tiels c u o s t s eis ei da constatar in considerabel augment dallas expensas pil persunal che resulta surtut dalla adattaziun allas pagas dil Cantun. Sche la LR vul ademplir sias vastas incumbensas, dat ei era per ella buc autras vias che da salarisar ses paucs funcziunaris tenor las relaziuns dil temps. Era lu eis ei buca lev da survegnir forzas da lavur ch' ein promtas da s' occupar dils bein bials, beinsavens denton era detg spinus pensums che sepresentan. Pli bassas expensas muossan da l' altra vart, malgrad igl augment dils tscheins, las posiziuns «cuosts da biro» e «divers cuosts», in mussament ch' ei vegn spargnau nua ch' igl ei pusseivel. Ils imports dallas posiziuns «survetsch da referats e fatscha da nos vitgs» che las societads affiliadas e la LR han buca impundiu igl onn current vegnan tenor conclus dil cussegl mess en ina reserva generala dalla quala il cussegl dispona da cass tier cass. Meins expensas da passa 8 000 francs ein plinavon da constatar tier las scolettas. Quella differenza deriva surtut dil fatg che certas scolettas han muort munconza da mussadra saviu entscheiver pli tard ch' igl ordinari e che las Ovras da Domat han aunc buca prestau lur usitada contribuziun da frs. 3 000.—, aschia che quei import transitori maunca ton tier las entradas sco tier las expensas. Ultra da quei ei ina part dallas prestaziuns dalla LR pil provediment per las mussadras vegnida restituida en connex cun differentas sortidas ord il survetsch dalla LR. Las prestaziuns persunalas dallas mussadras han quellas che han demissiunau retschiert anavos cumpleinamein. Ina reducziun dils cuosts — e corrispudentamein era dallas entradas — resulta era dil diember pli pign dils cuors da lungatg e dil fatg ch' ins ha saviu desister digl entruidament pils scolasts da lungatg suenter ch' ils biars da quels han gia pulitas experiencias. Finalmein ein era las expensas per cuors romontschs en scola (Prez, Cuera e preparaziun dils scolasts sutsilvans) sesminuidas, essend che la LR ha buca pli giu da pagar l' instrucziun en scola a Tumegl e Veulden. In niev post tier las expensas e las entradas ei la nova periodica interromontscha «Il Giuven Grischun» che duess suenter in cert temps d' introducziun purtar sesezza.

Las entradas restan, abstrahau dallas differenzas gia allegadas, praticamein las medemas. Cun plascher savein nus remarcar, che las prestaziuns dallas vischnauncas per scolettas (senza quellas da Cuera e Turitg) ein aunc ina gada s' augmentadas e ch' ellas han contonschiu la summa da frs. 27 732.45 viers frs. 18 058.— avon tschun onns. La LR ei en vesta dalla continuada carschen dalla carischia e dils subsidis regulars fixs fetg dependenta da quei agid. Engraziament auda era al marcau da Cuera per sia nova contribuziun da frs. 2 000.— per l' instrucziun romontscha a Cuera ed alla casa editura Ex Libris per sia contribuziun da fautor da frs. 300.—.

B. Quen d' ediziuns

Quei quen muossa pli grondas differenzas viers il preventiv. Ils cuosts figureschan cun frs. 57 423.59 (budget frs. 32 100.—) e las entradas cun frs. 45 597.87 (budget frs. 30 500.—) ed il deficit consequentamein cun frs. 11 825.72 (budget frs. 1 600.—).

Il svari principal denter quen e budget tier las expensas e per buna part era tier las entradas resulta sper la sminuziun dalla valeta dils cudischs alla quala nus revegnin sut C. surtut dalla ediziun dil niev cudisch d'Alois Carigiet «Zocla, Zila, Zepla» ch' ei buca stada previda el budget, denton annunziata alla davosa radunanza da delegai. In massiv augment dils cuosts ei da constatar tiels cudischets OSL. Ton pli astgan ins spitgar, ch' ei vegni era fatg bien diever da quella lectura. Da l' autra vart ein las expensas pils vocabularis dil Grischun central stadas pli bassas ord motiv ch' ils redactors han buca saviu sededicar aunc pli intensivamein a quella gronda incumbensa.

Las entradas secumponan per ina tiarza da contribuziuns e per duas tiarzas dalla vendita. Frs. 12 000.— ni $\frac{4}{5}$ dallas contribuziuns derivan dalla Pro Helvetia. Senza quei prezius agid fussen las novas ediziuns strusch stadas realisablas. Cun engraziament notifichein nus plinavon la contribuziun dil Cantun al cudisch d'Alois Carigiet da frs. 2 000.—. Fetg legreivels ei igl esit dalla vendita che surpassa (senza risguardar igl augment dils debiturs dallas ediziuns) cun frs. 30 597.87 il preventiv per quasi frs. 10 600.—.

C. Consideraziuns finalas

Igl esit total dils dus quens ei in deficit da frs. 13 839.96 viers in surpli dils cuosts budgetau da frs. 7 590.—. Senza l' ediziun dalla «Zocla, Zila, Zepla» e la gronda reducziun dalla valeta dils cudischs fuss ei — bein capiu cun ina reducziun dallas reservas da ca.

frs. 13 300.— — stau pusseivel da presentar in resultat positiv. Nus essan denton dall'opiniun che ton la numnada ediziun sco la reducziun dalla valeta da bilanza dils cudischs seigien disposiziuns bein motivadas.

La valeta dils cudischs tenor inventari contonscha sils 31-12-65 la summa da frs. 273 897.70 viers frs. 247 577.05 sils 31-12-64. Sch'ella figurescha denton ella bilanza cun in import da mo frs. 78 736.65 viers frs. 92 208.15, s'exprima en quei fatg la voluntad dalla suprastanza ed administraziun da buca sfurzar in resultat favoreivel dil quen cun posts buca liquids, pertgei cun cudischs savein nus buca rispunder a nossas obligaziuns finanzialas currentas.

In fatg che resulta eclatantamein da nossa bilanza ei la munconza da mieds liquids. Quella selai buca eliminar cun taxar memia ault la valeta dils cudischs. Quei ton pli che la discrepanza denter las entradas regularas quasi constantas dil quen administrativ ed ils cuosts carschents en consequenza dalla carischia e plinavon las grondas expensas per ediziuns dils proxims onns vegnessen en cuort a disfar ina tala illusium. Nus stuein bein spargnar, mo buca zuppentar la munconza da mieds a disposiziun. Mo ina tala gestiun realistica ei alla liunga el cass da satisfacer a nos basegns e lai contonscher nossa mira.

Il parsura: dr. Pierin Ratti

Rapport approbaus dalla suprastanza ils 24 da mars 1966.

Rapport da la cumischiun da gestiun da la Lia Rumantscha per l'an 1965

Confuorm al art. 10 da 'ls tschantamaints da la Lia Rumantscha ho la cumischiun da gestiun piglio invista da 'l rapport da la controlla da finanzas. Pü inavaunt ho ella repasso ils protocols da la suprastanza scu eir quels da 'l cussagl da la Lia. Ultra da que essans nus gniesu orientos tres il parsura, signur dr. P. Rati ed il secretari, signur dr. G. G. Casaulta, sur da dumandas generelas e d'organisasiun.

1. Al mumaint da la revisiun (4. 4. 66) eiran avaunt maun tuots ils redaquints da las societeds afiliedas cun exepziun dal quint da la Romania.
2. Ils subsidis a las societeds reguinelas sun gnies distribuieus suainter la clef publiched a il messagi per la votaziun cantunela areguard la contribuziun annuela a la Lia Rumantscha.
3. Las dietas als commembers da la supranza e dal cussagl scu eir las salarisaziuns dal persunel dal secretariat sun gnidas effetuedas suainter ils rel. regulativs e contrats.

1. Que vain constato ch' ün inventari dals cudeschs in vendita ais avaunt maun e cha la valütaziun da tels ais fich precauta. Las valuors d'inventari varieschan traunter 5—50 % dal predschi da vendita.

3. Resümand vain constato cha la contabilited da la Lia Ruman-tscha as rechatta in bun uorden.

40

